


# Master en langues, cultures et médias – Lëtzebuenger Studien

–  
Master académique  
–



□ FACULTÉ DES LETTRES, DES SCIENCES HUMAINES, DES ARTS ET DES SCIENCES DE L'ÉDUCATION

## Master en langues, cultures et médias – Lëtzebuenger Studien

Master académique

**D'Lëtzebuenger Sprooch, Kultur, Literatur an d'Medien an hirer Entwécklung an an hirem spezi-  
fische gesellschaftleche Kontext stinn am Zentrum vun dësem Masterstudiegang.**

### De Master ass innovativ

a senger Perspektiv

- déi d'Lëtzebuenger Sprooch a Kultur an de méi-sproochegen a multikulturelle Kontext vun Land abett
- déi berüchsichtigt, wéi Kultur zu Lëtzebuerg duerch d'Medie wéi Film, Press, Télee oder Radio konstruëiert a reflektéiert gëtt

### Objektiver

Envisagéiert ass d'Ausbildung vun Experten, déi net op eng Disziplin fixéiert bleiwen, mee interdisziplinäert Wëssen a Kompetenzen an de Gebidder vun der Lëtzebuenger Sprooch, der Kultur an de Medie matbréngen an och an der Berufswelt uwenne kënnen.

Ziler bis d'Enn vum Studium sinn deemno:

- verdéifte Kenntnisser an deene genannte Beräicher a Fächer
- en Abléck an déi wichtegst Methoden an Instrumenter vun de Sprooch- a Kulturwëssenschaften
- d'Kompetenz, spezifesch lëtzebuergesch Charakteristiken identifzéieren an ënnerscheeden ze kënnen, esouwéi den Afloss vun anere Kulturen zu Lëtzebuerg analyséieren an an der Perspektiv vun der Groussregioun, vun Europa an der Welt evaluéieren a vergläichen ze kënnen
- d'Fäegkeet, kritesch ze uerteelen esouwéi eegestänneg a wëssenschaftlech ze schaffen
- d'Kompetenz, d'Wëssen iwwert déi lëtzebuergesch Sprooch, Literatur a Kultur weiderzeginn

### Inhaltlech Struktur

D'Inhalter si konkret an dräi Kärberäicher organiséiert:

#### Kärberäich 1: Sproochwëssenschaft

Vermëttlung vu linguisteschen a soziolinguisteschen Analys- a Beschreibungsmethoden applizéiert op d'Lëtzebuergesch an déi lëtzebuergesch Sproochesituatioun: Beschäftegung mat de sproochleche Strukturen, der Sproochgeschicht a -standardiséierung, mat der Méisproochegkeet, Sproochkontakt a Code-switching a mat der Sproochepolitik.

#### Kärberäich 2: Kultur- a Literaturwëssenschaft

Theorien, Konzepter a Methode vun der Literaturwëssenschaft an hir Relevanz fir d'Lëtzebuergesch: Analys an Interpretatioun vun der lëtzebuergesch Literatur an hire sozialen, politeschen, historieschen an institutionelle Kontexter. Ënnersicht gi literaresch Zeien a verschiddene Sprooche vun 1815 bis haut. Doriwwer eraus gehéiert och d'Geschicht vu Lëtzebuerg an dese Kärberäich.

### Kärberäich 3: Mediewëssenschaft

Une sensibilisation à la manière dont la culture vit à travers le vaste univers des médias, une étude de leur fonctionnement et de leur efficacité. Un aperçu du panorama médiatique luxembourgeois, avec des

rencontres avec les protagonistes du monde de la culture, de l'art et de l'information. Une série d'études de situations de communication de la culture.

Weider sollen interdisziplinär Coursen aus anere Masterprogrammer a vun anere Fachberäicher beluecht ginn (z.B. iwwert Migratiounsfuerschung, Geschicht, Geographie, Educatiounswëssenschaft)

#### Liene mat der Recherche

an der Berufswelt:

- Zesummenaarbecht mat den Equipen aus der IPSE-Fuerschungseenheet a mam Programm „Etudes Luxembourgeoises“ (P7)
- Zesummenaarbecht mat lëtzebuergesche Kultur- a Medieninstituter
- Invitatioun vu Fachleit aus der Berufswelt an der internationaler Fuerschung

#### Berufflech Perspektiven

- Enseignement secondaire (Professer fir d'Lëtzebuergesch)
- Professer fir Sproochecoursen am Lëtzebuer-geschen als Friemsprooch bei Jonken an an der Erwuessenebildung
- Recherche (Doktorat)
- Kulturell a politesch Institutiounen
- Redaktioun a Lektorat an den Editiouns- a Pressenhaiser, Theateraarbecht a -kritik

#### Voraussetzungen, fir uegeholl ze ginn

E Bachelorofschloss an der Philologie (franséisch, däitsch oder englesch, o.ä.), an der Konscht, de Mediewëssenschaften, der Geschicht oder anere Kulturwëssenschaften. Vun de Kandidate fir d'Professerscarrière ass e Bachelor an enger Philologie verlaangt.

#### Sproochenufuerderungen:

Lëtzebuergesch, Däitsch a Franséisch (ongeféier d'Halschent vun de Coursë gëtt op Lëtzebuergesch gehalen). Passiv Kenntnisser am Englesche sinn néideg, fir d'Fuerschungsliteratur rezipéieren ze kënnen.

#### Maximum u Kandidaten

20

#### Informatiounen

##### Dr. Melanie Wagner

Laboratoire de linguistique et de littératures luxembourgeoises

Faculté des Lettres, des Sciences Humaines, des Arts et des Sciences de l'Éducation  
L-7201 Walferdange

melanie.wagner@uni.lu  
T. +352 / 46 66 44-6271

##### Brigitte Uhres

Secrétariat Lettres, Sciences Humaines

brigitte.uhres@uni.lu  
T. +352 / 46 66 44-6212  
F. +352 / 46 66 44-9604

##### Prof. Dr. Peter Gilles

Responsable Directeur d'études

peter.gilles@uni.lu  
T. +352 / 46 66 44-6383

##### Pedro Mendes Tavares

Secrétariat chargé des programmes de master

pedro.mendes@uni.lu  
T. +352 / 46 66 44-9617  
F. +352 / 46 66 44-9604